



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ ՂԵԿԱՎԱՐ

0010 ք. Երևան, Կառավարական տուն 1

№ 02/05.1/12657-2024

ՀՀ ԱԶԳԱՅԻՆ ԺՈՂՈՎԻ ԱՇԽԱՏԱԿԱԶՄԻ ՂԵԿԱՎԱՐ-ԳԼԽԱՎՈՐ ՔԱՐՏՈՒՂԱՐ
ԴԱՎԻԹ ԱՌԱՔԵԼՅԱՆԻՆ

Հարգելի՛ պարոն Առաքելյան,

Համաձայն «Ազգային ժողովի կանոնակարգ» Հայաստանի Հանրապետության սահմանադրական օրենքի 66-րդ և 77-րդ հոդվածների՝ Ձեզ ենք ներկայացնում՝

1) «Հայաստանի Հանրապետության հարկային օրենսգրքում լրացում կատարելու մասին» Հայաստանի Հանրապետության օրենքի նախագծի (Պ-793-07.03.2024-ՏՀ-011/0) վերաբերյալ Հայաստանի Հանրապետության կառավարության առաջարկությունը,

2) Հայաստանի Հանրապետության վարչապետի 2024 թվականի ապրիլի 4-ի «Հայաստանի Հանրապետության կառավարության ներկայացուցիչ (հարակից զեկուցող) նշանակելու մասին» N 311 - Ա որոշումը:

Հարգանքով՝

ԱՐԱՅԻԿ ՀԱՐՈՒԹՅՈՒՆՅԱՆ

Կատարող՝ Պետրոս Քաչատրյան

Ազգային ժողովի հետ կապերի վարչության խորհրդական՝ կառուցվածքային ստորաբաժանումներում առանձին գործառույթներ համակարգող

Հեռ. 010515686

Էլ փոստ՝ petros.qatsakhyan@gov.am

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՐԿԱՅԻՆ ՕՐԵՆՍԳՐՔՈՒՄ
ԼՐԱՑՈՒՄ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԻ ՆԱԽԱԳԾԻ (Պ-793-07.03.2024-ՏՀ-011/0) ՎԵՐԱԲԵՐՅԱԼ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ԱՌԱՋԱՐԿՈՒԹՅԱՆ ՄԱՍԻՆ

«Հայաստանի Հանրապետության հարկային օրենսգրքում լրացում կատարելու մասին» Հայաստանի Հանրապետության օրենքի նախագծի վերաբերյալ Հայաստանի Հանրապետության կառավարությունը սկզբունքային առարկություններ չունի:

Միաժամանակ առաջարկում ենք՝

1) նախագծով Հայաստանի Հանրապետության հարկային օրենսգրքի 251-րդ հոդվածի 2-րդ մասում լրացում կատարելու փոխարեն այդ մասն ուժը կորցրած ճանաչել:

2) նույն հոդվածի 3-րդ մասը շարադրել հետևյալ խմբագրությամբ՝

«3. Տեխնիկական գննության ենթակա փոխադրամիջոցների տեխնիկական գննությունն իրականացվում է հաշվառող մարմնի կողմից տրված՝ տվյալ փոխադրամիջոցի գծով ընթացիկ հարկային տարվան նախորդող հաշվետու տարիների և ընթացիկ հարկային տարվա ավարտված ամիսների համար հարկային պարտավորություններ չունենալու վերաբերյալ տեղեկանքի հիման վրա, որում նշվում է նաև այն ժամանակահատվածը, որի համար տվյալ փոխադրամիջոցի մասով կատարված են փոխադրամիջոցների գույքահարկի գծով հարկային պարտավորությունները:»:

3) նախագծի հետագա քննարկումների շրջանակներում քննարկել փոխադրամիջոցների գույքահարկի, ինչպես նաև անշարժ գույքի հարկի գծով հարկային պարտավորությունների հաշվեգրումը (ձևավորումը) ամսական կտրվածքով կատարելու նպատակահարմարության հարցը (որպեսզի հնարավոր լինի կամավորության սկզբունքով հարկը վճարել մաս-մաս՝ մինչև վճարման վերջնաժամկետը)՝ միևնույն ժամանակ հարկի վճարման վերջնաժամկետը պահպանելով գործող տրամաբանությամբ՝ տարվա համար (որպեսզի հարկը մաս-մաս վճարելու պարագայում տույժերի հաշվարկման հարց չլինի):

Նախագծի ընդունման դեպքում վեցամսյա ժամկետում համապատասխան փոփոխություններ կկատարվեն Հայաստանի Հանրապետության կառավարության 2017 թվականի հոկտեմբերի 5-ի «Տեղական ինքնակառավարման մարմինների կողմից հարկ վճարողների և անշարժ գույքի հարկի ու փոխադրամիջոցների գույքահարկի հաշվառման կարգը սահմանելու մասին» N 1288 Ն որոշման մեջ:



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ
Ո Ր Ո Շ ՈՒ Մ

N 311 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ՆԵՐՎԱՅԱՑՈՒՑԻՉ (ՀԱՐԱՎԻՑ ՁԵԿՈՒՑՈՂ) ՆՇԱՆԱԿԵՆԴՐԻ
Մ Ա Ս Ի Ն

Հիմք ընդունելով «Ազգային ժողովի կառուակարգ» Հայաստանի
Հանրապետության սահմանադրական օրենքի 66-րդ հոդվածի 2-րդ մասը՝

Հայաստանի Հանրապետության ֆինանսների նախարարի տեղակալ
Արման Պողոսյանին նշանակել Հայաստանի Հանրապետության Ազգային
ժողովում «Հայաստանի Հանրապետության հարկային օրենսգրքում լրացում
կատարելու մասին» Հայաստանի Հանրապետության օրենքի նախագիծը
(Պ-793-Մ.03.2024-ՏՀ-011Վ) քննարկելիս Հայաստանի Հանրապետության կառու-
վարության ներկայացուցիչ (հարակից զեկուցող):

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Երևան

Ն. ՓԱՇԻՆՅԱՆ

Պ-793-07.03.2024-ՏՀ-011/0

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ****ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՐԿԱՅԻՆ ՕՐԵՆՍԳՐՔՈՒՄ ԼՐԱՑՈՒՄ ԿԱՏԱՐԵԼՈՒ
ՄԱՍԻՆ**

Հոդված 1. 2016 թվականի հոկտեմբերի 4-ի Հայաստանի Հանրապետության հարկային օրենսգրքի 251-րդ հոդվածի 2-րդ մասում «գույքահարկի գծով» բառերից հետո լրացնել «ընթացիկ հարկային տարվան նախորդող տարիների» բառերով:

Հոդված 2. Սույն օրենքն ուժի մեջ է մտնում 2025 թվականի հունվարի 1-ից:

ՀԻՄՆԱՎՈՐՈՒՄ**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՐԿԱՅԻՆ ՕՐԵՆՍԳՐՔՈՒՄ ԼՐԱՑՈՒՄ ԿԱՏԱՐԵԼՈՒ
ՄԱՍԻՆ» ՀՀ ՕՐԵՆՔԻ ՆԱԽԱԳԾԻ ԸՆԴՈՒՆՄԱՆ**

1. Իրավական ակտի անհրաժեշտությունը (նպատակը). Նախագծի հիմնական նպատակը փոխադրամիջոցների գույքահարկ վճարողների համար ավելի հարմար, իրատեսական եւ առավել արդար պայմանների ապահովումն է՝ պահպանելով փոխադրամիջոցի հերթական տեխնիկական զննության անցկացման ժամանակ տվյալ փոխադրամիջոցի՝ ընթացիկ հարկային տարվանը նախորդող հարկային տարիների գույքահարկի ամբողջական վճարման նկատմամբ հսկողության վերաբերյալ ՀՀ հարկային օրենսգրքում (այսուհետ՝ Օրենսգրք) սահմանված առանձնահատկությունը:

2. Կարգավորման հարաբերությունների ներկա վիճակը եւ առկա խնդիրները. Օրենսգրքի 251-րդ հոդվածի 1-ին մասի համաձայն՝ կազմակերպությունները եւ ֆիզիկական անձինք փոխադրամիջոցների գույքահարկի տարեկան գումարները իրենց պետական գրանցման (հաշվառման) վայրի համայնքի բյուջե են վճարում մինչեւ հարկային տարվա դեկտեմբերի 1-ը ներառյալ: Միեւնույն ժամանակ՝ Օրենսգրքի նույն հոդվածի 2-րդ մասը ֆիզիկական անձանց պարտավորեցնում է տեխնիկական զննության ենթակա փոխադրամիջոցների համար փոխադրամիջոցների գույքահարկի գծով հարկային պարտավորություններն ամբողջությամբ կատարել մինչեւ փոխադրամիջոցները տվյալ հարկային տարվա տեխնիկական զննության ներկայացնելը:

Հաշվի առնելով նշված կարգավորումները եւ այն հանգամանքը, որ Հայաստանի Հանրապետությունում շահագործվող տրանսպորտային միջոցների մեծ մասը տեխնիկական զննության են ենթակա ամենամյա պարբերականությամբ՝ գործնականում ֆիզիկական անձանց բացարձակ մեծամասնությունը զրկված են օրենքով սահմանված՝ մինչեւ հարկային տարվա դեկտեմբերի 1-ը ներառյալ փոխադրամիջոցների գույքահարկի պարտավորությունները կատարելու հնարավորությունից եւ ստիպված են վճարել դեռեւս չավարտված հարկային տարվա համար հաշվարկվող գույքահարկը ամբողջությամբ, ինչը առաջացնում է փոխադրամիջոցների գույքահարկ վճարողների մասսայական դժգոհությունը:

3. Առկա խնդիրների առաջարկվող լուծումները. Առկա խնդիրների լուծման նպատակով ներկայացված նախագծով առաջարկվում է՝

փոխադրամիջոցների գույքահարկի վճարման գործընթացում բացառել երկիմաստ կամ տարընկալման ենթակա կարգավորումները (Օրենսգրքի 251 հոդված)՝

փոխադրամիջոցների գույքահարկ վճարող ֆիզիկական անձանց, առանց բացառության, հնարավորություն ընձեռել այն վճարելու մինչեւ ընթացիկ հարկային տարվա դեկտեմբերի 1-ը ներառյալ,

տրանսպորտային միջոցի տեխնիկական զննության անցկացումը որպես համայնքային բյուջե գույքահարկի հավաքագրման գործիք կիրառել միայն տրանսպորտային միջոցի տեխնիկական զննության անցկացմանը նախորդող հարկային տարվա գույքահարկի պարտավորությունների կատարման շրջանակում:

4. **Կարգավորման առարկան.** Նախագծի կարգավորման առարկան ֆիզիկական անձանց փոխադրամիջոցների գույքահարկի պարտավորությունների կատարման եւ տրանսպորտային միջոցի տեխնիկական զննության անցկացման գործընթացների փոխկապակցվածության իրավական կարգավորումն է:

5. **Նախագծի մշակման գործընթացում ներգրավված ինստիտուտները եւ անձինք.** Նախագծերի փաթեթը մշակվել է ՀՀ ԱԺ պատգամավորների եւ ՀՀ տարածքային կառավարման եւ ենթակառուցվածքների նախարարության մասնագետների համագործակցությամբ:

6. **Իրավական ակտի կիրառման դեպքում ակնկալվող արդյունքը.** Նախագծի ընդունման արդյունքում ակնկալվում է ապահովել փոխադրամիջոցների գույքահարկ վճարող ֆիզիկական անձանց՝ մինչեւ ընթացիկ հարկային տարվա դեկտեմբերի 1-ը ներառյալ գույքահարկը վճարելու հնարավորությունը՝ տրանսպորտային միջոցների տեխնիկական զննության անցկացումը փոխադրամիջոցների գույքահարկի պարտավորությունների կատարման նկատմամբ վերահսկող գործիք կիրառելով միայն տեխնիկական զննություն անցկացման հարկային տարվան նախորդող հարկային տարիների գույքահարկի ամբողջական վճարման վրա:

7. **Օրենքի ընդունման կապակցությամբ պետական կամ տեղական ինքնակառավարման մարմնի բյուջեում եկամուտների եւ ծախսերի ավելացման կամ նվազեցման մասին.** Հաշվի առնելով, որ փոխադրամիջոցների գույքահարկը վճարվում է տեղական ինքնակառավարման մարմինների բյուջե՝ Օրենքի ընդունման արդյունքում տեղական ինքնակառավարման մարմնի բյուջեում եկամուտների եւ ծախսերի ավելացում կամ նվազեցում չի կատարվի: Կարող է փոփոխվել համայնքային բյուջե փոխադրամիջոցների գույքահարկի հավաքագրման ժամկետները: